

BERITA

Sektor kejururawatan diperkukuh; 5,600 jururawat diambil

Ye Kung: Jumlah yang diambil bekerja lebih sasaran; penuhi keperluan warga yang kian menua

Usaha meningkatkan tenaga kerja kejururawatan Singapura membuahkan hasil, dengan 5,600 jururawat menerima tawaran untuk bekerja dalam sistem penjagaan kesihatan awam pada 2023, termasuk 4,500 telah mendaftar untuk bekerja.

Ditemui semasa melawat Hospital Tan Tock Seng (TTSH), pada 10 Februari, hari pertama sambutan Tahun Baru Cina, Menteri Kesihatan Ong Ye Kung berkata jumlah yang diambil melebihi sasaran yang diumumkan sebelum ini.

"Kami sentiasa kekurangan tenaga kerja penjagaan kesihatan. Jadi pada tahun lalu, kami menetapkan sasaran untuk mengambil 4,000 jururawat, dalam sistem penjagaan kesihatan swasta dan awam untuk mengisi semula kekosongan semasa Covid-19 dan mengembangkan tenaga kerja kami," kata En-

cik Ong.

Jumlah jururawat yang berdaftar pada 2023 mengatasi angka pada tahun sebelumnya, apabila 3,400 jururawat baru didaftarkan, kata Kementerian Kesihatan (MOH).

Terdapat 43,772 jururawat dan bidan berdaftar di Singapura pada 2022, termasuk 36,995 jururawat berdaftar.

Kementerian telah mengumumkan pada 2022 keperluan untuk mempergiat pengambilan pekerja tempatan dan luar negara, untuk menggantikan jururawat yang meninggalkan negara atau profesion itu semasa pandemik Covid-19, dan untuk memenuhi keperluan penjagaan kesihatan yang semakin meningkat bagi penduduk Singapura yang semakin tua.

Singapura mengalami kadar pengurangan jururawat asing yang lebih tinggi pada 2021



Menteri Kesihatan, Encik Ong Ye Kung, mengagihkan cenderahati kepada pesakit dan kakitangan ketika mengunjungi Hospital Tan Tock Seng sempena Tahun Baru Cina pada 10 Februari. — Foto CMG

dan 2022, apabila sempadan dibuka semula dan persaingan global untuk profesional penjagaan kesihatan semakin sengit.

MOH juga sebelum ini mengumumkan bahawa menjelang 2030, seramai 82,000 jururawat, profesional kesihatan bersekutu dan kakitangan penjagaan sokongan diperlukan untuk mengendalikan hospital, klinik dan juga pusat jagaan warga emas.

Semasa lawatannya ke TTSH, Encik Ong berkata lebih ramai jururawat asing diberikan status penduduk tetap pada 2023 sebagai mengiktiraf peranan penting yang mereka mainkan dalam memerangi wabak Covid-19 dan menyokong keperluan penjagaan kesihatan Singapura yang semakin meningkat.

Kebanyakan jururawat asing itu adalah dari Filipina, Malaysia dan Myanmar.

Encik Ong berkata MOH akan mengumumkan butiran program insentif jangka panjang untuk jururawat sebelum hari ke-15 Tahun Baru Cina.

Beliau berkata insentif jangka panjang sudah diberikan kepada guru, serta pegawai Home Team dan Angkatan Bersenjata Singapura.

Menyadari bahawa jururawat membentuk kumpulan profesional terbesar dalam sistem penjagaan kesihatan Singapura, Encik Ong berkata insentif itu boleh "menjadi komponen penting dalam ganjaran mereka."

Beliau singgah di Wad 5C untuk mengedarkan beg cenderahati Tahun Baru Cina yang mengandungi buah oren dan paket merah kepada pesakit dan kakitangan.

Bercakap kepada kakitangan penjagaan kesihatan, Encik Ong akur bahawa bekerja

dalam bidang penjagaan kesihatan awam semanginya mencabar.

"Bilangan pesakit kian meningkat, keluarga pesakit juga mempunyai permintaan tinggi. Apa pun, saya fikir kita perlu melakukannya secara bersama, menolong satu sama lain dan bekerja sebagai satu pasukan," ujar beliau.

Jururawat staf kanan, Cik Samantha Loke Xin Yu, 29 tahun, sudah berkhidmat di TTSH selama lebih enam tahun.

Cik Loke, yang bekerja di jabatan keceemasan, memberitahu *The Straits Times* bahawa ia bukanlah kali pertama beliau bekerja semasa Tahun Baru Cina.

"Apabila anda menjadi pekerja penjagaan kesihatan, anda tahu setiap seorang dalam penjagaan kesihatan membuat pengorbanan," katanya.

Raja Charles ucap terima kasih atas sokongan selepas hidap barah

LONDON: Raja Charles dari Britain melahirkan terima kasihnya pada 10 Februari kepada mereka yang bersimpati, selepas beliau disahkan menghidap barah.

Ini kenyataan pertamanya sejak Istana Buckingham mengumumkan yang beliau akan menundakan beberapa kegiatan demi menjalani rawatan.

"Saya ingin lahirkan ucapan terima kasih mendalam bagi mesej sokongan serta ucapan selamat yang banyak saya terima sejak beberapa hari lalu," kata Raja Charles dalam satu kenyataan.

Pada 5 Februari Istana Buckingham mengumumkan bahawa Raja Charles, 75 tahun, telah disahkan menghidap sejenis barah, kurang 18 bulan selepas dinobat sebagai raja.

"Seperti mereka yang menghidap barah akan tahu, ucapan sedemikian amat memberi kesenangan dan semangat," kata Raja Charles.

Raja itu berkata diagnosis ini itu telah membantu memberi perhatian kepada pertumbuhan yang menyokong pesakit barah di Britain dan di mana-mana juga.

Berita mengenai beliau menghidap barah timbul selepas Raja Charles dimasukkan ke hospital selama tiga malam pada Januari lalu di mana beliau menjalani prosedur pembedahan bagi prostat yang membengkak.

Istana Buckingham belum mem-



Istana Buckingham telah mengumumkan pada 5 Februari bahawa Raja Charles telah disahkan menghidap sejenis barah. — Foto REUTERS

beri sebarang butiran tentang keadaannya melainkan berkata bahawa ia bukan barah prostat, namun berkata bahawa Raja Charles "kekali positif secara keseluruhannya" dan teruja kembali melakukan tugas awam seawal mungkin.

Isteri Raja Charles, Ratu Camilla, berkata pada 8 Februari bahawa suaminya sedang "dalam keadaan amat baik".

Dengan Raja Charles menjalani rawatan dan isteri Putera Williams, Kate, sedang pulih akibat pembedahan perut, tanggungjawab kini terletak di bahu kerabat lain — terutamanya Putera Williams dan Ratu Camilla — untuk tampil menjadi wajah monarki tersebut. — Reuters.

Pelakon Nina Fevriena naik pelamin lagi dengan bekas suami setelah berpisah 7 tahun

RUBIAH MOHD
rubiahmohd@sph.com.sg

Setelah lebih tujuh tahun hidup bersendirian, pelakon veteran Nina Fevriena naik pelamin lagi, didampingi dengan dua orang anak tersayang.

Gambar beliau yang dimuat naik ke Instagram baru-baru ini menjadi tawaran tanya sama ada petikan itu dari sebuah drama lakonannya atau Nina betul-betul mendirikan rumah tangga buat kali kedua.

Berita Harian (BH) menghubungi Nina baru-baru ini untuk kepastian — memang sah Nina baru mendirikan rumah tangga lagi — sekali lagi dengan bekas suaminya, Zack Zuraini, tujuh tahun setelah mereka berpisah.

Nina atau nama sebenarnya Fevriena Marwan, dan Zack atau nama sebenarnya Zuraini Suhaimi — keduanya kini berusia 50 tahun.

Menurut Nina, perpisahan yang berlaku setelah 15 tahun menghunungi bahtera rumah tangga bersama adalah satu ujian berat bagi dirinya.

"Saya pilih menjadi suri rumah tangga sepenuh masa selepas berkahwin dulu untuk menjaga keluarga dan membesarkan anak-anak. Tetapi,



Nina Fevriena dan Zack Zuraini bergambar di atas pelamin bersama anak-anak mereka, Haedy Raouff, 19 tahun (paling kiri), dan Helena Rose, 14 tahun, yang disatukan kembali dalam majlis pernikahan pasangan itu pada 2 Februari lalu. — Foto PENSEL KONTOT PRODUCTION

tapi, selepas bercerai, hidup saya terumbang-ambing kerana perlu sertaina bertiduri dan mencari mata pencarian sendiri," katanya.

Nina dan Zack memilih hari yang bersejarah untuk hari pernikahan mereka yang kedua ini — iaitu 2 Februari 2024 — genap 22 tahun tarikh pernikahan mereka yang pertama kali pada 2002. Beliau juga memilih untuk bersanding dan menjemput keluarga terdekat untuk menyambut hari istimewa itu.

"Kali ini saya bersanding lagi tetapi bezanya, anak-anak kami sudah besar panjang, tetapi saya ingin me-

nunaikan janji saya kepada mereka yang berharap kami berdua disatukan semula," kata ibu kepada seorang anak lelaki, Haedy Raouff, 19 tahun, dan seorang lagi anak perempuan, Helena Rose, 14 tahun.

Diminta pandangannya, Zack berkata: "Bersyukur kerana diberi peluang kedua. Kalau sudah jodoh tidak ke mana."

Nina Fevriena mula berjinak-jinak dalam bidang seni ketika umurnya 18 tahun.

Beliau bermula sebagai penari bersama Perkumpulan Seni dan kali

terakhir Nina berlakon dalam drama Suria ialah dalam siri *60 sen* pada 2019. Beliau juga pernah terlibat dalam telefilem *Takbir nan Syahdu* (2017) dan *Zakat Zakaria* (2018).

"Kebelakangan ini, saya terus mendapat tawaran berlakon tetapi saya terpaksa menolaknya kerana ingin menumpukan perhatian kepada kerjaya dan keluarga," kata Nina yang kini bekerja sebagai setiausaha peribadi di sebuah syarikat produk barang kemas.

Zack pula bekerja selaku pengu- nusan kanan kejuruteraan, tambah Nina.

Rafah terus dibedil, Netanyahu janji 'laluhan selamat' kepada rakyat Palestin

GAZA: Ancaman pencerobohan Israel ke Rafah, bandar paling selatan di Gaza, berterusan pada 11 Februari, dengan Perdana Menteri Israel, Encik Benjamin Netanyahu, menjanjikan "laluhan selamat" kepada orang-orang yang berpindah untuk mencari perlindungan di bandar itu.

Dalam satu wawancara, Encik Netanyahu menyatakan sekali lagi hasratnya untuk melanjutkan operasi ketenteraan Israel ke bandar Rafah.

Walaupun pihak antarabangsa meluahkan kebimbangan terhadap potensi berlakunya pembunuhan beramai-ramai di bandar yang sempit itu, yang didiami lebih separuh daripada 2.4 juta penduduk Palestin di Jaluran Gaza, Encik Netanyahu memberitahu *ABC News*: "Kami akan melakukan-

nya. Beliau akur "dengan Amerika" bahawa operasi itu perlu terlebih dahulu dirancang dari segi kesannya ke atas orang awam.

"Kami akan melakukannya dan menyediakan laluhan selamat untuk penduduk awam supaya mereka boleh berpindah," katanya, menurut petikan wawancara itu.

Bagaimanapun, tidak jelas ke mana bilangan besar penduduk Palestin yang melarikan diri untuk berlindung di khemah sementara di Rafah, yang bersempadan dengan Mesir, boleh berpindah.

Pengumuman Israel berhubung hasratnya melakukan operasi ketenteraan di Rafah, dikatakan bertujuan memusnahkan batalion Hamas di bandar dekat selatan Jaluran Gaza, mengundang kecaman pemimpin du-

nya. Kebanyakan pemimpin dunia menyifatkan cadangan operasi ketenteraan Israel itu akan mengundang bencana kemanusiaan di bandar yang menjadi lokasi terakhir pelarian Palestin yang melarikan diri untuk berlindung dan cederah jika Rafah diserang.

Sementara itu, Pejabat Presiden Palestin, Encik Mahmud Abbas, berkata tindakan penjajahan Israel mengancam keselamatan dan keamanan di rantau itu dan dunia.

"Ini adalah pelanggaran ke atas semua had secara terang-terangan," katanya. — Agensi berita.

Ihsan Ramadhan

2024 M/1445 H


INDONESIA	
☑ Iftar/sahur 10 pek \$50	☑ Santunan eid 1 anak yatim \$50
☑ Iftar/sahur 100 pek \$500	☑ Waqaf alquran & sejadah 4 set \$100
☑ Sembako ihsan ramadhan \$100	☑ Waqaf rumah alquran 1 lot \$150
☑ Kurma sukkari 10kg \$60	☑ Waqaf perigi jetpump 1 lot \$1399
☑ Infaq/fidyah beras 25kg \$60	☑ Waqaf mushollah 1 buah \$13,999

CAMBODIA	
☑ Iftar/sahur 10 pek \$55	☑ Santunan eid 1 anak yatim \$55
☑ Iftar/sahur 100 pek \$550	☑ Waqaf alquran & sejadah 4 set \$105
☑ Sembako ihsan ramadhan \$105	☑ Bantuan sekolah anak yatim \$150
☑ Kurma sukkari 10kg \$65	☑ Waqaf perigi 1 lot \$359
☑ Infaq/fidyah beras 25kg \$60	☑ Waqaf mushollah 1 lot \$150

Ustadz Syamil Ustadzah Mariah Haji Noh

8322 0460 8339 3012 8399 7390

WhatsApp 91266444



Dari Anas R.A. sahabat bertanya, "wahai Rasulullah SAW, sedekah apa yang paling utama?" Rasulullah SAW menjawab, "Sedekah di bulan Ramadhan." [Hadits Riwayat at-Tirmidzi]